

天人合一藏書

中國歷代書院志

趙所生 薛正興 主編 六冊

陝甘味經書院志序

志之例出於史而不專於史蓋雜山經水注考工記宮殿簿之義古人作事必有志而後法可因傳可久官司尤甚書院非官司然稟請咨提領發報銷有文簿焉典守者嘗於文奸滑得而把持之膏火脩脯將歸侵蝕訓誡條告誦讀行習有法式焉繼至者昧其法佻達因而玩弄之規制教法將盡銷亡而造養人材之地安知不為汨沒人材之區也味經書院自今河督前學院許仙屏先生崛起創建即延余宗夢軒先生為師詳定規模有益陝省者甚鉅夫其益之鉅正其法之善用心之勤也書院是而法與心非味經書院志序

序

關中叢書

創始者能不戚於心與煥唐先生知之起而收集散佚都為一冊名曰味經書院志藏之篋笥余承乏味經得讀一終因悉創造之艱難教法之詳備繼至者之損益因革均可沿流溯源則志書院正志創始諸公之心也創始之心常存書院之益吾陝者不永永無極哉余因請付手民永存書院先生許之嗚乎後之覽斯志者因先生之文以上求經營締造及因革損益者之心必有不忍令良法湮沒者慨然惻然而思變通扶持以盡其宜是則煥唐先生及余之心也夫煥唐為許公所取士故其言詳且切焉是則讀者自見之故不贅昔光緒甲午嘉平月太華史家榮序

於味經書院之監院署

味經書院志序

序

關中叢書

陝甘味經書院志

經始第一

同治初元陝西回匪創亂州郡爲墟繼以髮捻交訌備極屠毒越十一載始得以次蕩平予遺之民瘡痍未復人知學家無藏書時奉新許公振緯以侍讀督學陝甘慨然以振文教爲己任始假涇陽瀛洲書院延師訓課既籌經費設味經書院於涇陽城內東北隅乃上疏曰竊惟風俗盛衰視乎人才而人才隆替由乎學校學校教士實養士之地也士人有廉恥而後鄉里有風化庠序有秀異而後在官有循良其始僅章句誦讀之爲其究則生民休戚之味經書院志

經始第一

關中叢書

寄故一人爲而衆人效方正邪僻分類殊趨謂之風氣一人倡而衆人遵學問議論先入爲主謂之師承其源甚微其流甚大不可不謹也夫欲有所用以收得人之效則必有所養以爲儲才之基臣伏見國家作育人才府縣設學復聽所在舉行書院法良意美得人稱盛惟奉行日久教官往往視爲具文平時因循迨學政按臨所駐不過旬日而又逐日校藝即有所牘迪亦不過布條教舉大綱至於教士之實竊以爲莫如書院院長得人而謂不能挽回風氣振興人才者未之有也伏查近日書院之弊約有二端一由院長爲紳士退休之資其延訂也論名位徇情分官

場以爲一歲之應酬紳士以爲一家之取給評點甲乙苟簡從事而於學問人品概未之及如是者不得謂之教一由經費悉隸官吏凡印官兼轄書院往往虛領其名而未察其實其款項生息支發一切皆書吏主之積年既久侵蝕失計日見支絀士無所藉難以棲止如是者不得謂之養臣自抵任以來因查西安有關中宏道兩書院爲陝甘兩省士子肄業之區關中督撫主之宏道學政主之惟自軍興以來士多貧苦不能自食又不能從師雖欲聞經明行修之要其道無由因擇適中之地於涇陽城內添設味經書院其規模與關中宏道相等臣捐廉爲之倡而各屬味經書院志

經始第一

二

關中叢書

紳士好義急公者大率皆隸金裏事業已設立講堂號舍開課舉行其定章有不同他書院者三他書院專課詩文味經之設其要以實學爲主令諸生逐日研究欽定七經及綱鑑諸史大學衍義補文獻通考等書引之識義理稽故實手鈔口誦日漸淹貫匪惟腹笥可充卽政事亦差知條理其設課也則合制藝論策經解詩賦法戒錄分課一一爲之使之知學古之爲貴他書院除閱課外師弟不常接見今則山長日登講堂傳集諸生將經史大義及小學逐條講貫察其課程閱其劄記別其勤惰嚴其出入令其由嚴憚以生清明本講貫而得服習使之

知植品之爲先他書院屬之於官官有遷移則法必中變
官有職務則事難兼攝卽如宏道書院歸學臣董理如臣
終年在外按試相隔千里何能稽察今味經之設臣悉擇
一方之望以之專理一方之學雖創始由臣而日久經理
究以責成紳士爲當蓋權不歸官則延師可免徇情敷衍
之弊非物望素孚學品兼優者必不能居此席費歸實用
則經理可免侵蝕支絀之虞非廉介自持鄉里推服者必
不能與其事羣力維持思培子弟使之知成法之可繼此
臣倡建味經書院之初意如此也臣徧查陝甘人望所歸
得保升同知前平利縣教諭史兆熊學有本原體用兼備
味經書院志 經始第一 三 關中叢書

延爲書院院長訂期十年而以城固訓導姚劭誠澄城教
諭王賢輔協理講席兆熊品端學粹遊其門者多所成就
前在興安勸辦一府堡寨一千數百餘所賊犯興安不能
逞志全活甚多歷經大吏保薦兆熊每爲學徒攀留不能
出仕其恬退而有實用如此劭誠長於經學志在誘迪賢
輔澹然無欲留心風化此皆關中方聞之士正學之選置
之訓迪必有可觀記稱七年小成九年大成臣之責以十
年者亦準斯義如造士無效臣請受謬舉之咎其承管經
費課程膏火責成紳士候銓同知怡立方教職張樞楊彝
珍吳乙東謝鴻猷從九牛興宗等立方廉正勤懇才識素

優歷年籌衛地方久著成效其餘諸人亦皆物論推重以
之經理書院不僅培養人才日有起色卽義倉蠶桑諸事
亦可次第舉行不動公家纖毫之款而可興地方無窮之
利似於教養可收實效臣觀諸人俱誓心竭力願任培植
不求保獎不居成功良由關中風俗之厚士習之美以之
責成經管實足垂久遠而無流弊合無恭懇皇上天恩敕
下陝甘督撫學政臣各立案嗣後督撫學政及各衙門分
月輪課其院長堂課各規條卽乞照臣所議辦理一切責
成紳董承管是否有當伏乞皇上聖鑒施行疏入奉上諭
著卽知照陝甘督撫學政立案嗣後均照此次所定章程
味經書院志 經始第一 四 關中叢書

辦理欽此時同治十二年十月十五日也於是涇陽議敘
同知銜吳建勳捐隙地以爲之基城固訓導澄城姚劭誠
澄城教諭白河王賢輔集資於東候銓同知涇陽怡立方
候選訓導富平張樞咸寧楊彝珍涇陽吳乙東安康謝鴻
猷從九涇陽牛興宗集資於西不費公家絲粟一年而事
舉雖創始疏略而規模固已宏遠矣

論曰許公出曾文正之門有經世志文正以大儒奮迹湖
湘削平巨寇成中興偉績許公固心識之而陝右數嘗寇
亂士無楮柱其閒者有亦輒歛豈倡之無其人與抑亦致
養未豫無以激厲其志氣恢擴其才猷也經義明而智勇

出治亂之迹既明必有興起而任天下之重者然則創始之功烏可忽乎哉

味經書院志

經始第一

五

關中叢書

營建第二

院負涇陽縣北城微東面姚家巷縱五十三丈橫一十二丈西隔吳神廟對峙地十畝零六分中爲講堂五架五楹中棟懸奉諭旨後楹題味經堂後楹題以生靈休戚通經致用大文章可據而充之此其選也就吾學切實所得題請辭薛周京楹樓作人看今日多士羣居可否不愧譽傳願諸生奮心獨往奮力崇振風氣橫渠啓關學洙泗相吾道淵源旁稽帖題講學不在多言先捷發名利一開仰毋愧俯毋作揚厲我成發義來持是乃聖賢真學問通經必期實用果認得孝忠二字體於身修於家疏誠排憤懣無間斯爲豪傑大經綸左右有序堂之前左爲大雅扶輪門右爲小山承蓋門門內又前東列沈內有焚漫懷郁舍英咀華號舍入西列作爲文章其書味經書院志營建第二

關中叢書

滿家號舍入舍各四室其外有廊又前爲二門三楹三架楹題尊聞行知楹帖題華嶽黃河俱有靈其間氣必鍾英哲聖賢豪傑都無種在儒生自識指歸門三出左右外塾塾前西爲時敏齋房十六架門東出東爲日新齋房十六架門北出又前爲大門三楹五架門中出左右內塾門外爲屏堂之後爲客廳五架二楹左右有室又後爲左右廂各五架又後爲寢五架四楹寢後小房五架寢西爲小寢三架三楹都房七十五架屏一爐一廁一門窗器具悉備同治十二年九月學政奉新許公振緯創建監院候銓同知怡立方城固訓導姚劭誠澄城教諭王賢輔候選教職張樞楊彝珍吳乙東謝鴻猷從九牛興宗等監

修是為陝西有味經之始然事屬草創諸凡缺略監院無署寄居時敏齋及西寢諸生庖廚暫置日新齋藏書籍無所置於客廳西室至聖位設於正寢地址迫狹經費支絀故也光緒二年監院寇守信於西寢前添建左右廂廂二架屏風門一架正寢東添廂房四架十一年二月吳建勳續捐院東地址縱四十五丈橫十丈又南隅橫三丈一尺縱八尺計地七畝九分一釐三毫零十三年監院張元熙移建庖廚於大雅扶輪門東房六架移廂於東院之東越二年武昌柯公逢時履學政任次年以涇陽候選教諭周斯億為監院舉向所缺略者悉為補之建藏書樓於講堂東三架三楹

味經書院志

營建第二

關中叢書

中設至聖位前列廡舍左右各三架左題前任學政奉新許公振緯吳縣吳公大澂名右祀前院長升用同知平利縣教諭史公兆熊及前監院原任鳳翔府學訓導寇公守信前候選同知怡公立方神主越二年又以前任監院城固訓導姚公劭誠栗主祀於寇公左前院長欽加同知銜候選知縣柏公景偉栗主祀於史公左題前任學政柯公名於吳公之次其南為清白池學政柯公名之院長劉序銘其詞曰涇邑水鹹鹵不可食同治時創立味經書院引白渠水於講堂東其北為藏書樓費絀中止越十有七年武昌柯逢時先生督學來陝以通經致用造士嗟朽吹枯士風丕變迺擇志趣奇特者數十人教養於味經廣購書籍俾肄業焉越明年建按於前擬址中設至聖位南衛旁列廡舍祀有功書院者官師紳士咸與又以士習算術必資實測築通儒臺於左

先生既銘之矣又明年引渠水蜿蜒注樓前適成甬路趙劉氏捐梓列女傳餘以焚池形如半規既備制兼資汲引名曰清白池表彰節節即即以激揚士氣也命黃銘之黃承乏講席樂推先生意用告士子銘曰龍山臺臺流其麓素漢而明鑒石洞腹懷泉沸沸珠色澄以碧味淡以映渠始白公長我禾黍借入陵阿菁莪虞虞宜麻肺涼沁齒牙性禾沃乃毋渴萌芽在山能清出山不渴澆俗塵汚毋忘澡濯源頭活水活汨汨其流心亨行險無阻學修飲水知源伊誰之賜柯公不居楚楚也有志惟楚何志冰雪不春和風畫煦澤流士人矧我士人淵深海闊靜不激泓動胡胡活潑修汲汲古道悟漸漸勒銘池上東為通儒臺學政柯公序銘其詞曰咸陽劉君煥唐都講築臺於味經書院之東製鼎造鏡命諸生以時測量且綴術焉於味經曰通儒蓋取法言之義欲諸生明於聖學之大歸習於時務之要以道致用其毋以嗜人自封也昔張平子作儀雀子玉為之銘余惜於術竊知其意乃作銘曰峨峨高臺在涇之陽上規下矩用圓體方粵惟古聖推策迎日自是以來代有作述察景辨氣分曉限天積微成著後密於前中夏失官學流荒蕪聖清龍興重譯獻藝炫其技巧我味經書院志

營建第二


關中叢書

三

關中叢書

崇挾彼之與實古之遺算術精深步天為極會於一原造端實測窮理合數考古驗今或久而差密率可尋惟我中土世多智士湛焉詞章先民所鄙矧茲豐饒英傑與通微造極符契相承以濟時艱用宏先覺勒銘斯臺敢告來學光緒十六年歲在庚寅夏五月又創立刊書處於大門陝西督學使者武昌柯逢時謹書又創立刊書處於大門東構房三架二楹門西三架一楹先後共糜金錢不足千而規制大備矣順德黎璧侯先生繼之謂刊書不可不售拓售書處於大門西其地偪狹越二年吳建勳族弟康生吳建寅捐其西地址長二十三丈四尺寬四丈五尺地一畝七分五釐五毫前為售書處後以備修監院署之用基址大展繼而為之則在後之司院事者

論曰廣廈大庇寒士歡顏書院之名固萌芽於唐少陵是



言意在斯乎然味經創建已二十有二年矣書舍財入十餘間耳肄業過百人即不能容少陵願何奢也創之難成尤不易豈獨味經爲然哉

味經書院志

營建第二

四

關中叢書

籌養第三

當許公之創立書院也大亂初平人心困極思通一聞斯議士民欣欣助貲者接踵於是輸銀及千者涇陽壹千肆百兩郃陽壹千叁百兩韓城壹千叁百兩三原壹千壹百兩渭南壹千五縣不及千者朝邑玖百柒拾叁兩蒲城玖百壹拾兩大荔捌百兩澄城陸百貳拾兩四縣五百者富平兩伍百長安伍百兩二縣不及五百者潼關肆百伍拾兩白水肆百兩臨潼肆百兩咸甯叁百肆拾玖兩陸兩叁百藍田叁百叁拾兩一廳五縣不及三百至一百者白河貳百叁拾玖兩高陵貳百兩乾州貳百壹拾兩鄠縣貳百兩雒南貳百兩玖兩陸分陸分玖兩華陰壹百貳拾兩華州壹百肆拾兩耀州壹百兩長武貳拾兩錢肆分華陰拾伍兩華州捌兩肆錢耀州壹百兩長武貳拾兩味經書院志 籌養第三 一 關中叢書

兩寶雞壹百兩紫陽壹百兩拾玖兩汧陽壹百兩拾玖兩三州九縣共得銀一萬四千六百七十六兩二錢二分然淺人已議其後矣許公不爲動督營建益急遂於十二年九月告成而許公亦報政入覲謠詠乃大起是時左文襄公督陝甘方議分闡不暇爲陝士謀書院之設議發於許公細人遂謂陝甫經大亂宜休息不宜興大工聞者不能不爲動許公原奏院事歸紳經理官爲督察耽耽脂膏者無所染指咸大恚則日播浮言於外而向之踴躍輸將者悉裹足書院雖建經費無出生徒既聚不可散院長史夢軒自減脩脯監院怡養源稱貸以發膏火極力支持勢蓋岌岌不可

籌養第三

4

關中叢書

本應獲息之數暫行籌墊以備書院束脩膏火之需每年由味經書院監院備文移知涇陽縣徑詳藩司就近支領每次領到息銀若干卽繳監院收支一面仍報學政存案備查涇陽縣候選道姚惠捐銀一千兩大荔縣候選郎中李安吉捐銀三千兩此二項不入藩庫以

貳千兩撥繳怡監院清還歷年積欠以貳千兩札涇陽縣嚴令派役分解送蒲城興平發商按月一分行息其學政吳札諭略云每年無閏蒲城解息銀壹百貳拾兩與平解息銀壹百貳拾兩有閏蒲城解息銀壹百叁拾兩與平解息銀壹百叁拾兩每年按期由監院備文徑催蒲城興平息銀倘催不到卽申詳學院札提催繳先後共籌獲經費銀一萬五千五百八十九兩六錢以二千兩清還舊債餘盡發商生息於是涇陽典商領銀貳千柒百兩三原典商領銀

壹千叁典商領銀富平典商領銀高陵典商領銀耀州典商領銀咸百兩肆千兩壹千兩壹千兩

甯典商領銀貳百玖拾伍兩捌錢肆分整厘典商領拾叁兩柒錢陸分長安典商領銀壹百玖拾伍兩捌錢肆分整厘典商領

養養第二

三

中環

千餘兩其後涇陽縣令張稟請豁免越二年今令涂邵卿視事稽故贖得銀貳百餘兩補行撥入書院董事備十餘年其弊不因循至九年慕子荷學使蒞任監院魏允臣以可究詰云

其事請慕公轉詢當道乃始得銀三千三百零七兩三錢三分卽發涇陽縣典商生息

光緒十年正月十七日涇陽縣洪令移文略云查徵縣徵收車牛變價庫平銀伍千貳百貳拾柒兩叁錢叁分業已稟明撫憲暨營田局憲發繳當商姚永聚等營運滿年一分生息於光緒九年十二月初一日起息每年應取息銀伍百貳拾貳兩柒錢叁分叁釐除涇陽四義學經費銀壹百玖拾貳兩實餘銀叁百叁拾兩零柒錢叁分叁釐以作書院膏火之需云云學院慕札肅略云每年分三次領卽以二月六月十月由監院備文移知涇陽縣就近支領卽該當商未能如限繳清亦當由縣照依應獲現存息銀之數暫行籌墊以

迨十六年續發商銀二百四十二兩五錢

涇陽縣涂移文略云車牛變價徵存經前任東明仍照前發商每年應得息銀貳拾肆兩肆錢伍分仍歸味經書院

每年七月綜計前後銀兩籌自捐輸者二萬零三百四十
移送一次綜計前後銀兩籌自捐輸者二萬零三百四十
四兩四錢七分撥自藩庫者一萬兩得自營田者三千五
百四十九兩八錢自丙子以前用過銀一萬六千七百五
十四兩八錢七分餘發商銀一萬七千一百三十九兩四
錢無開之年得息銀一千玖百捌拾伍兩柒錢貳分而陝
甘士月得膏火官課一次超等十名學院計定五名二兩
錢六名至特等二十名一名至六名八錢七一等四十名
一名至四十名一錢光緒十五年學院柯改定每官課不
分超特一共取三十名一名至三兩二名至五兩六名
至十兩一名一兩六錢十一名至二十兩二名二兩六錢
等十名一名一兩五錢二名至五兩一名一兩二錢六名至
味經書院志 籌養第三 四 關中叢書

等二十名一名至十名七錢十一等三十名一名至二十
一名至三十名一錢原定住院者全給否則止給膏火柏
院長改為無論住院與否膏獎俱給光緒十五年學院柯
改為堂課月一次無分超特一共取三十名一名五兩二
名至五兩三名三兩六名至十兩二兩十一名至二十兩
八錢二十名至三十兩各一兩經課膏火超等十名一名
光緒十八年學院黎改復舊章章章章章章章章章章章
二名至四名六錢特等二十名各二一名十名院基定學
院柯併入堂課學院黎遂為味經經費定制焉慕學使云
改歸每月日記膏火 院本新設待舉事尚多年蓄百餘金
拾壹存儲不用積數年院內應舉行者宜無不舉然歲出
數終不能定故積六七年始得四百餘金柯遷菴學使遂
以建藏書樓通儒臺云

論曰易曰大烹以養聖賢又曰何以聚人曰財養固先於
教矣顧周禮不詳養士法而載師有士田甫田之詩始曰
歲取十千終曰蒸我髦士孔子曰耕也餒在其中學也祿
在其中士固不並耕也特廩於官者悉取之農耳近世金
生粟死商賈操金錢制農之命末豐而本悴矣分商之息
以養士似亦窮變通久之道而論者嘵嘵以為病商何也

規制第四

惟天子軫念西土敬教勸學嘉惠俊髦學使承流詢於衆庶順時所適乃闢講舍於涇水之陽顏曰味經書院以收陝甘志學之士禮聘師儒任以教誨乃立監院使總院事宜學使意於師弟子俾教不倦而學日勤監院一人後設二人光緒十七年學院柯改定其一人改充刊書處董事詳後齋長二人其一定齋其一定齋有住院者即爲齋長不常置諸生惟齋舍所容院書一人貼寫一人年學院柯增設院夫三人門夫一人甕夫無定數監院司一院財用出入之數簿書期會之文及一切禮儀法令之事時察齋舍以助院長精力之所不及每歲味經書院志規制第四

仲春車逆院長於其家至擇期入學知會涇陽縣同院長率諸生行釋菜禮後赴講堂行入學禮畢乃宴朔望謁先師亦如之令節亦如之歲終又宴乃出學車送院長歸凡諸生來院上名於監院定館舍即贊見於師凡值督撫學政藩臬道府課之月監院備文預請題目至期請涇陽縣按名敷卷宣示題目及繳卷監院備文申解榜歸張示院門院長堂課評定甲乙由監院登榜其膏火獎銀監院各注於其卷諸生執卷領取凡書院經費由藩司發商者監院備文移縣徑詳藩司支領其由學院發商者監院徑移文該縣催解領解到即報聞學院凡歲出有章者依章給

之無則小者監院主之大則請於學院院長東脩四百兩以時致之薪水監院百兩刊書董事百兩齋長三十六兩工食院書三十二兩貼寫十二兩院夫十八兩有閭十九兩紙筆費學院署稿房十二兩藩署禮房十二兩議平均給以其時凡房宇門窗案椅牀榻一切器具之類時周察之缺損補修無致破壞卷紙多寡視所用歲終則會計上於學院齋長擇諸生之學品優而齒長者爲之帥諸生敬承院長之教以修其業經義史疑院長講解諸生不能盡喻者齋長道諭之不能問者齋長達其詞司書籍之出入借還有式歲終檢緝不可失遺分察甕夫膳飲之美惡毋味經書院志規制第四

令鑪錫失飪致疾院中有興作監院會齋長察視凡院事財用出入齋長咸與聞院書初由涇陽縣禮房兼司冊籍充後改由院招充文移會計之事凡課題目榜次書而張示其副藏之公牘文移書而呈於監院收發書籍書而呈於齋長凡朔望謁先師則贊貼寫司鈔寫文字院長條教諸生文藝須傳觀者鈔而揭於壁院夫司灑掃雜役奔走之事門夫畫稽出入必嚴二鼓擊柝封門繳鑰展領鑰啓門及膳時均如之廚夫主供諸生飲食品院長監院預核定揭於廚壁日一更月再周諸生人日給錢五十廚夫工食不領於院其夥役視食者之衆寡而增減之凡院事監院主之教士子則

主於院長

論曰日用飲食粗迹也而精義寓焉王政之始雞犬桑麻聖學之基灑掃應對規制儀文之不備財用出入之無稽師蓋有不能安於講席弟子有不能雍容絃誦者故粗迹者精義之輪輿也書院廢興殆非無與於是矣

味經書院志

規制第四

三

關中叢書

監院題名

書院之教院長主之事則統於監院監院得人師安講席士勤誦讀所繫重矣然則論味經之廢興必非無與於監院也名具於斯來者可以觀焉光緒十九年癸巳仲春涇陽周斯億誌

怡立方

字養源涇陽侯銓同知創修書院力任艱鉅祀於書院

姚劭誠

字子夫澄城舉人城固訓導為修書院棄官來涇能任勞怨工竣辭退祀書院

王賢輔

字弼廷白河人咸豐戊午舉人韓城教諭

李星瑞

字少蓮平利舉人

寇守信

字允臣長安歲貢生光緒寺署正街鳳翔府訓導籌增膏火創味經誌稿文移各件均存底稿來者

味經書院志

規制第四

四

關中叢書

有法可守
沒祀書院

楊彝珍

字秉初長安附貢生同官訓導

王堃

字子厚宜君人同治己巳舉人蒲城訓導

張元熙

字仲山涇陽恩貢生邵陽訓導

王廣年

字子延清澗優貢生邵陽教諭

周斯億

字應生涇陽人光緒己卯舉人國子監學正銜授德州學正創修藏書樓清白池通儒臺設刊書處

售書處建院
外東西兩坊

彭長慶

字石泉廉貢生候選訓導

史家榮

字錫堂華陰廉貢生涇陽訓導

教法第五上

三代而後教不統於上尼山首出宏暢儒風擅師儒得民之勢君上不過問教遂與政分而不可合顧教不可與政分也權不能定於一算勢不能資以行遠源遠流分人自爲書家自爲學譬如大河羣流趨附無隄防以束於左右則成洶湧之勢潰敗橫決而不可收拾故自春秋以降諸子爭鳴異端遽起人人得以號召徒衆自樹一幟門戶既分黨與斯盛是非汨於草野毀譽亂於朝廷至匹夫可與君相爭刑賞之權而清流之禍亟矣漢唐宋明之黨禍是也又其甚者外夷無君無父奸人惑世誣民借端聚衆而味經書院志 教法第五上 一 關中叢書

海內遍被其毒如黃巾白蓮均假教之名以恣爲畔逆豈非教之理自在人心上失其柄自下竊之其禍遂不可勝言哉是以願治之主必急起而收之漢祖草創日不暇給孝武表章六經道定一尊矣經灰甫燼鬱而未伸雖立博士議石渠宿儒抱殘守缺多私相授受教未盡出於上也光武投戈講藝風厲名節顯宗崇儒重道躬臨辟雍養老乞言政教幾於合矣然事虛文而無實意冲質以後國統屢絕外戚宦寺遞爲盛衰是非不明於上議論徒喧於下君廚顧及之名立而士習亦凌替矣魏晉六朝政既不立雖復議教河汾授徒遂開唐治太宗英挺而內行不修延

攬士儒集疏五經而意重詞章故有唐一代羣士於帖括詩賦其時朝野上下之閒泛泛然沈溺於功名富貴而胥無以自主馴致五代之禍否極而亨宋太祖太宗親睹武夫悍將之弊始以文臣典郡仁宗天資粹美英傑輩出孫奭胡瑗名動朝廷遂詔天下州縣皆立學此後濬洛關閩名師碩儒遍相術述官家之培養不如私家之傳授也迨至明祖起於布衣迹類漢高而學問過之加意庠序府廳州縣均有學儒重教官之選嚴立考課之法黜陟而賞亦優作成士氣漸增難之師士多忠節震耀千古其後主德不明教士之權又復移於師儒書院林立庠序徒設教與味經書院志 教法第五上 二 關中叢書

政分清議雖足維持國是而黨禍之慘遂極千古之所未有然則教出於上時未久而遂不振者師以例求士以例應虛文故事相習成風無精意以貫其中也教出於下利雖多而害即隨者師以道立士以名歸樹敵聚徒異說相角無權位以持其上也我朝舉天下之書院盡隸之官而延師以教士士非額定之數師非例設之官師儒之教而以官法行之故精意貫注而不聞處士橫議之風二百餘年書院得士爲多而無前代朋黨之禍則政教合之效也然積久弊生獵詞華而略實行重制藝而棄詩書輕脫無行而道學愚教其後空疎實用而西學遂乘其虛仙屏許

公憂之所以有味經書院之設禮聘耆宿特申教法史先生兆熊倡於前柏先生景偉振乎後要皆學政之精意運於其中蓋書院之教無非學使之政也予擇其可采者於篇使後有考焉

史先生曰書院宜清靜嚴肅各守規矩此院何爲而設諸生何爲而來立志潛修未爲君子先期不爲小人未做正事先期不做壞事則有嚴戒者四一吸食鴉片鴉片爲害豈無受其病者損之恐終身甘於廢棄容之恐衆人爲之效尤今論別居齋舍寬以月日用藥斷截聖賢克己之學不戒而引誘同人被其陷害查出褫革一賭錢游娼娼賭寡廉鮮恥損德取禍實爲玷辱名教查出褫革一戲場飯館請斥革其因賭游滋釀事端者送縣究辦

味經書院志

教法第五上

關中叢書

坊肆流品雜沓士人豈可側足然少年狂妄每好嬉游往往三五成羣往來街市不恤人言不畏物議且自以爲名士風流實屬蕩檢踰閑敗壞士習諸生中有不經稟明擅自出入觀戲飲酒者查出掌責門夫不即稟明送縣杖笞其別滋事者亦掌責逐出

一騙誘賒貸書院爲培植人才矩清其本源除前數種外尤當杜絕騙誘流弊現已商議監院出示曉諭各舖店凡與諸生交易不准賒貸其有貪圖重利任聽欠至數千數十文者或其人在院而無力歸還或潛行歸家而久成拖欠查明屬實稟請斥革其賒項概置勿論或富家子弟來院肄業者不得以朋友交好礙於情面與人擔承賒項賒人佐借錢文以而無歸積成私債不致令父兄知查明屬實將錢之人稟請斥革其賒項亦概置勿論至諸生有實係貧寒而苦心用功者同人中殷實之家可公同量力幫助膏火自是友誼當然或由公款籌畫微資亦格外培養寒士之道總不許機謀智巧之流敗壞定約者三一夜禁初交三更由肅長督門夫書院規矩夫領鑰開門關門後查出未在舍者次早掌責二十有別行不軌者別論其有要故應出者稟明請鑰

有要故稟明出外請留一早起日已出而人猶酣眠乖陰門者不得遲過一時

家必不祥在一身必生病勤苦者自必晏眠早起僕以爲善用功者不必過爲晏眠反致不能早起至三五數聚好爲長夜之談尤屬學人積弊各宜互相規勉勿使曠誤工夫反致耗損精神

一門戶火燭或上戶檢點火燭毋致貽誤有失禁約既明乃嚴功課一逐日寫看讀百字夫不必求多總要實有心得早飯後作小楷一力寫字後看本日所溫之四書一章經書一篇字字研究必領大旨了然逐字逐句了無疑義或於衆說之外別開悟境或因此章之理參悟他章或得其一句或得其一字著爲小說如作論然正午靜坐片時涵養心氣午飯後讀四書若干篇經書若干篇量片定數各以十遍爲度細心潛玩不可滑口過去讀後靜坐片時涵養心氣日尚未入看史鑑若干頁晚間讀時文二篇古文一篇每篇十遍生者過五夜一易讀賦一篇生者亦如前法讀竟靜坐片時即安寢養神若日間他事攪雜功課未了夜間定行補足總以序不可紊功不可缺實求心得快足於己而毋自欺

味經書院志

教法第五上

關中叢書

次早溫前日所讀之經文詩賦各一二遍或專讀某一項或別看他書亦必有一定限制不可雜亂無章

一每月官堂課每月初八日官課十八二十十八日堂課點名局更出題午正交一每人課程冊外寫某內開自某月某卷逾限不交

一每人課程冊外寫某內開自某月某處共幾篇經書某本自某處至某處共幾篇書自某處至某處共幾篇書某篇某本自某處至某處共幾篇書自某處至某處共幾篇書某篇某本自某處至某處共幾篇書自某處至某處共幾篇書

七日會講中設正位遙尊諸大憲培養士類俾士子常知侍立聽講敬感不忘本源旁設山長監院各坐諸生左右用功即奉一心爲嚴師僕亦未必無一長之助若執經問字有意刁難以窺探僕之淺深甚至面加詆詰暗出詭名揭帖僕當登時辭退決不自取羞辱並致貽笑學憲

注意小學講小學以端大學之本諸生句句向身心上認認勿謂僕爲一會談中間兩邊設山長監院坐東西間設

長燈分坐諸生或發明數日欲言之理或一容外人會講
間論古今言之所在不拘不束尤為得益一容外人會講
會講日院外農工商賈有願聽講小學者尤為一期望謁
可佳宜引入門但宜靜立階下不可高聲喧嚷一期望謁
先師叩無贊一晚四叩禮畢山長監院行對揖禮諸生北
面與山長監院行三搭恭禮禮畢諸生東西以上諸條認
真遵行上焉者可日進於高明中焉者可歸於篤實下焉
者日亦納於範圍譬之物焉蓄於內不為金玉寶珠之不
易有用於外要皆為布帛菽粟之不可無僕之教人如此
而已先生於是以身倡率之以言鼓舞之逐日巡行齋舍
指示發明擇期聚會講堂提撕警覺行之期年諸生則志
定而氣奮院規大定矣先生乃以老病辭師席仙屏許公
味經書院志 教法第五上 五 關中書書

留之甚力先生不得已乃復留取前所定者變通之以書
院規矩整肅必自禁約始則曰嚴門禁門禁之益大矣範
心外邪不作即內念斯專去歲行之合院清靜嚴肅甚為
得法但恐久而視為具文擅自出入一人開端衆人效尤
諸弊由此生矣今曰杜非為誘者衆矣院內暗聚賭博則
受德辱身敗行書院之名壞矣故一切仍宜嚴禁以諸
生學問增益必自經史入則曰讀經史宜潛心經史講求
實學除課期外照前定讀書日看經史飯後看四書某章
法各備課程冊每日登記曰誦經史除課期外每日早
看經書某篇史書某條不誦誦經史除課期外每日早
必貪多務求實有心得曰誦經史除課期外每日早
每晨錄傳十五人登堂分坐聽候背誦餘俱照常各在房
內讀書願登堂聽講者聽便其錄傳之十五人仍行掣籤
次第背誦或五六人或六七人隨時考問隨便指示曰講
在坐者均可聽聞師不過勞而於諸生實有裨益

經史除課期外每日午初按寫字後錄傳十五人各執前
四五人或六七八人或抽籤四書或抽籤經史或抽籤背誦或
或發明義蘊在坐者均可聽聞亦師不過勞而於諸生實
有裨益學不可昧本源而無心得也則曰講小學小學為大
日一講今歲專意經史亦於十日內傳書諸生曰戒自欺
僕為細講數條各宜敬聽務求身心實有體認曰戒自欺
得勿為應卯之舉欺師實以自欺學貴沈潛不可紛於名
利也則曰杜奔競荒工夫且萌趨利之心以彼外縣諸生
每月宏道書院官課準應一十五官課俱不準應本縣諸生
每月宏道書院官課準應一十五官課俱不準應本縣諸生
總期潛心經史實求心得則終身受用獲益無窮曰定齊火
夕誦苦矣善矣而齊火不分內外按等分給似均而實不
均今將院外應課者只給獎賞不給膏火又審書院之利弊
火其膏火挨次遞給住院之士非私也又審書院之利弊
味經書院志 教法第五上 六 關中書書

在師弟子睽隔不相接而閱課卷猶其末也則曰減小課
去歲因有鄉試每月加小課兩次月內官堂課各一今歲加意經
史應減去小課二次計每月月內官堂課各一今歲加意經
應外課者更有加焉不致荒廢文字而專經之學曰分勞
可多教日師亦免因循不致荒廢文字而專經之學曰分勞
苦僕以學力薄淺精神衰憊此席實不敢居堅辭未允到
久而難繼善夫監院怡公之言曰每日功課只令諸生逐
層去做去嚴行考查不必過為講說徒勞先生反恐諸生厭
聽王弼廷先生不日來院依前章程每月課講分勞願先
生節留精神以期長年如此何患諸生無進益也僕嘉其
言深知此中甘苦不獨為僕一身計也且勤於始而怠於
終學者然教者亦然長勿助而心勿忘學如是教亦如是
僕當節留精神以期長年如此何患諸生無進益也僕嘉其
久而能行誠為至要時同治十有三年也先生日坐講堂
口講手示不自知疲弟子之率愈謹先生之教愈肅如是
者三年而舊疾時作遂力以老辭還山乃取所定章程參

酌之則曰門禁不可廢士之驕抗必以是始也每年送館
先嚴此禁往往一二狂生不守規矩及歷年住院者久而
生玩故作驕抗此則有犯必懲切勿姑息養奸以致大衆
效尤勢曰煙禁不可廢士之癮弊以此爲極也此弊勢難
禁之則未吸者紛紛效尤伊於胡底勢必明設禁於具白
畫開燈兩兩對吸三五聚談而書院規矩從此壞矣曰
誦書講書作小說講小學不可廢廢則士皆趨虛文無實
學矣山長日坐講堂錄傳一人背書則讀書者遍百人矣
輟時近裏也學力淺者本底未清者令作小說不爲文章
暢所欲言則層次可清才思可展詞調可鍊尤爲有益小
學之宜講也聖學門徑實在於此學人立身全在於此予
嚴立規矩而勤講小學先爲杜其邪徑次即引以正途不
必人人聖賢第使人爲聖賢一路之人此即聖賢之正
教也五日講小學一次在認真講學品者自必虛心聽受
即格不入者常使耳聞此講目睹此講今日厭之他日
必有追悔而憶之者亦何嘗非大轉機且諸生如果俱遵
味經書院志 教法第五上 七 關中叢書

小學傳家授徒則一源萬派我關中正學接武此後必蒸
蒸日上矣如不背書不講書不作小說不講小學則諸生
必不讀書不看書不務實學勤學者日手時文一編咕嚕
吟啞曾何補於有用之學曾何補於有用之人懶惰者更
心無紀律靜坐不能求不出不得則意外曰齋房宜勤察勤
事故從此生矣故此數條無一可廢
則師生隔閡之弊除矣院長念在諸生身上必能做出
則雖學問大如淵海與諸生乎何與官與民且不可以隔
氣况師生乎每日院長不拘時不限數隨意散步兩廊抽
查三四號則各號俱肅然矣靜坐講堂一二時則滿院清
風徐徐萬籟俱寂雖下廡養不聞聲矣即此一室之閒
有一二時已足以振精神而作志氣况諸生之各自奮勉
乎且師生日近以親背書見面講書見面查房見面告假
銷假見面五日會講每課發文傳齊諸生一問見面三次
五次則熟識其人矣十次八次則可知其性情所爲而因
材施教庶有當矣若累月終年不相見面則主講之名與
講堂之設果何爲乎先之勞之請益無從爲政然講學亦
然曰課卷宜早發則諸生之精神易振聚精會神成一課

藝有因積久不獲評論而心灰氣餒壯志銷磨者每課連
日提振精神先看三分之二傳齊諸生講明題旨與諸
生指說大槪令其傳觀並擇一二篇錄貼曰竈規宜嚴立
講堂以示取法而諸生早不以課率心矣
則諸生之飲食易調謹服諸生飯食所關非細竈夫宜勤
勿致虧累役人之食人食之食分文不給而反如分所應
爾今年如是明歲復然此豈有廉恥有仁心之所爲耶主
敬行恕之謂何盡如此輩則竈夫不堪苦累而竈不能立
矣竈不能立則何盡如此輩則人飲食不便而勢難久停矣壞事者
由情性貪鄙寡廉鮮恥之徒早行驅逐非刻也曰官課不
互應則諸生之作偽難行宏道味經互應官課舊本應課
因往來奔走曠日誤功並有連日在外混鬧滋事者改爲
領題送卷前之往應有曠功夫後之領題更開弊竇一人
而報數名領數卷者百餘本而交卷者無十之五六往往有
本底未清而列前工夫老成而列後者蓋官第就文論文
而不知其偽也若裁去互應則無此弊蓋點名時非本人
味經書院志 教法第五上 八 關中叢書

不給卷卷無冒領名有定數點名後局門終日限時交卷
其在院之生有錄舊前列而未查出舊文者但據平日本
底未清斷定有假即呈明山長扣除舊火其餘之查出錄
舊者均扣除除舊火以爲幫助寒士之資若互應官課不但
味經之應宏道者多便各守規矩不致無益於功課而機
亦因味經舞弊而末便各守規矩不致無益於功課而機
謀巧詐不成事體不成心術不成風氣書院之敗終必由
此若各歸各院彼此無損彼此有損各以本院之膏火養
本院之肄業生安靜讀書認真作課無機心無機事無妄
念無妄動不但可以祛官課之弊而並可以除人心之害
曰分勞不可少則師生之情意易通閱卷背書講書看小
一人爲之雖年力壯盛亦勢難周到一有分勞者院長雖
不獲安閒而亦不致過勞須知院長全在提振諸生精神
整齊書院規矩日心心在諸生身上操用一番日日身
各號門上行走一番在講堂上靜坐一番則一日之閒院
內之氣常清而師皆先生數年閱歷所得行之至今而確
生之氣常相貫矣
不可易者也於諸生登第者勉勵之其詞曰四十年轉瞬
過矣上不能親君下

不能親民所幸者得親士耳親士可以輔吾學亦可藉以
遂吾親君親民之心何則今日之士他日之上而親君下
而親民者也諸生他日而親君也子將以親君之心付之
諸生親君之身焉諸生他日而親民也子將以親民之心
付之諸生親民之身焉他日之作用視乎各人之才識學
力而作用之基自今日立志始立志莫先於勤廉隅勤廉
隅莫先於少私寡欲少私寡欲莫先於守儉約勿因一得
意而改換面目舉動言語服食器用迥然異前月之秀
才今月之舉人兩月間已劃然作兩截人他日居官時又
當何如若是者非大器也亦非福器也夫士之求名欲藉
以有為耳藉以有為固為社稷蒼生造福之人非享福之
人也今日慎之又慎至得官時私債已不能免况官尚未
得而假官以為名者溺已深矣雖誓矢清操烏有果於身
者尚能清於心耶且功名富貴之念萬不可橫互於胸而
急急功名富貴之人亦未見有濟於事竊嘗思居官之人
有三元氣當培為朝廷培元氣一也為百姓培元氣二也
為子孫培元氣三也子孫之元氣無他培法培朝廷元氣
培百姓元氣即所以培子孫元氣也總之作用之基自今
日立志始自今日勤廉隅始自今日少私寡欲始自今日
儉約始諸生其服吾訓耶他日乃可以親君乃可以親民
味經書院志 教法第五上 九 關中叢書

而吾親士之心於焉盡矣即吾親君親民之下第者慰撫
之其詞曰諸生勿以下第為憂也夫得第良可喜喜得藉
以慰或憂年盛不及時有為非憂其失第良可憂或憂親老無
計得失於功名富貴之間自喜其得正吾之所代為憂自
憂其失正吾之所代為喜憂彼喜之之心得焉適貽害於
當世喜彼憂之之心失焉反保全乎室家諸生勿謂予言
過激也吾人為學當先辨明義利兩字義即利也計利則
害隨之矣吾今日第求其可以得功名者非義義文辭之
末也根柢乎六經鑒別乎往古而參酌乎時宜務期人為
有用之人學為有用之學如是焉已耳如是則用固有用
不用亦有用苟有心於世道人心雖鄉里匹夫亦可作頂
天立地事業何况學校中人乎彼沾沾於得失者縱係有
用亦必不善其用而仍歸於無用何者其用心固已岐也
吾自分可做教官且並教職而有愧若更圖保舉盼甲科
覆練之患不旋踵至矣貪虛名而受實禍慕榮顯而被憂
辱世之人往往然矣所以然者未得功名則功名之念急
既得功名則仕宦之心熱不但隨波逐流日入下品亦且
弱身宦海欲拔不能已歷者悔之無及未歷者羨之若仙

此皆義利之界不明得失之心未淡致使然耳如果安貧
樂志則艱難中之骨力必堅盤錯中之識見必定功名仕
宦中之得失必淡出則則有益於國計民生處則有裨於
常名教而均之進退自如如有益於身家性命夫而後可
喜登第可以憂下第矣夫而後得第必不喜下第必不憂
矣諸生皆偉器予不敢不以遠大期之如依常人之見為
生也予之心不敢出此 留別諸生作要言三一曰為體
用兼備之學要言先多 二曰作敬義夾持之人要言先堅 三曰
立夙夜無忝之身要言先切 語皆切中時弊而先生遂歸漢
上越五年而得柏子俊先生

味經書院志

教法第五上

十

關中叢書